


3

BEATIS= SIMI MARTY- RIS SANCTI BONIFA-

CII, IN GERMANIA QVONDAM APO
STOLI, VERA HISTORIA, OB PIETATIS
studij amorē & honorandę Anti-
quitatis memoriã cōscripta
carmine heroico per
M. GEORGIVM VVICELIVM IVNIOREM.

HEBR. XI.

Sancti per fidem vicerunt regna, operati sunt iustitiam,
adepti sunt promissiones in CHRISTO IESV
domino nostro &c.



Coloniæ ex Officina Hæredum IOANNIS
QVENTEL, mense Ianuario anni
post partum Virginis 1553.

FORTI DULCOR INEST, EXVNDAT
INERTIA LYMPHIS.



REVERENDIS

SIMO IN CHRISTO PATRI, EI-

DEMQUE OPTIMO PRINCIPI AC DO-

mino, D. Wolphāgo electo ac Con

firmato Antistiti Fuldensi, diuæ

Augustæ Archicancellario,

Primate per Galliā &c.

Domino suo mul

tis modis ob-

seruandis

fimo,

S. P. D.



Vemadmodum in senibus post longa vitę tem-
poris curricula, sensus hebescent, præmoritur
visus itemq; auditus, ac iam delirare prorsus inci-
piunt, vnde etiam illud poetę verbum: Omnia
fert ætas, animum quoq; sic manifestò appá-
ret, Reuerendissime Antistes idemq; Princeps optime, hui-
us mundi præsentaneam senectam decrepitam delirare pe-
nitens, atque in obliuionis tenebris errabundam miserè du-
ci. Patet enim, & (heu dolorem) ipsa patet experientia, circa
hunc mundi finem, cum iam æterni Sabbathi quies appro-
pinquat, omnia indies fieri deteriora peioraq; vnde veracis-
simum est sancti illius Brunonis dictum:

Sic viuunt homines, tanquam mors nulla sequatur,

Et velut infernus fabula vana foret.

Et illud gentilis Plauti:

Nihil tam vile nunc est, quam mores mali:

A ij

Eo-

AD REVERENDISS. ANTISTIT.

Eorum iam messem metere licet maxumam.

Quæ quanq̃ quis fato meritò ascripserit, tamè cùm hic temporum status ex malis hominum moribus dependeat, meridiana luce clarius existit, ad hæc mala cumulâda patentissimam fenestram aperuisse ortos in Ecclesia huius lucis filios quasi neochristianos, qui & ipsi simili quodam delirio letheoq̃ fluuio immerfi, extra limites illos, quos in Ecclesia Maiores nostri statuerunt, exorbitantes, noua populo, eademq̃ nostris parentibus (scilicet) incognita, imò monstrosa dogmata referant: idq̃, vt videtur, tribus fit ex causis: aut pro sui quisque ingenij opinione ac sensûs proprii abundantia: aut nouandi cupidine, quæ (vt Lucianus inquit) natura ingenijs hominum insita est: aut vero gloriâdi studio, dum se pro Christianismi fide iustè pugnare, eamq̃ quasi Augiæ stabulum repurgare prædicant, ipsam deformant potius, cultumq̃ DEI denormant atque minuunt: planeq̃ ita degenerant, ac si ex seipsis nati essent, vt verbis utar Ciceronis. Sed quæ (malùm) ista est hominum supra Hypsæam cæcitas? quæve Dominici gregis ista dissipatio atque vexatio? Vnum cùm debeat esse Christi ouile, vnūq̃ ostium, sic alij hac, alij istac turbantur? & studia in contraria scinduntur? perq̃ præcipitia in voraginem impunè peccandi vnà deuoluuntur? Heu infelicem Ecclesiæ mutationē, ac miserū Christianæ religionis statū. Quid verò indè ampliùs? Assiduū exitiosissimiq̃ bellorum intestini motus, defectio, aduersus regem cōtumacia, factio, iustorumq̃ persecutio & oppressio, id quod nuper atq; annis præteritis, Tua etiā reuerend. Celsitudo pro summa innocētia & integritate non sine notabili damno per maximam iniuriam perpeffa est, vt itidēm atrocissimè factum à parte charissimi mei parentis. Sed vos à charitate DEI Ecclesiæq̃ veritate quis separabit? an gladius?

FVLDENSEM PRAEFATIO.

us? an persecutio? an nuditas, vt Apostolus inquit? Et si alia grauiores sunt causæ, quibus hanc longam miseriarum seriem acceptam referre debeamus. nulli enim serè casus accidunt, ait Plato, quorum non legitimæ causæ præcesserunt. Est autem ~~ad~~ ^{ad} ~~de~~ ^{de} ~~di~~ ^{di} ~~uinarum~~ ^{uinarum} legum inuitabilis potestas, quæ peruersis ob peccata toleranda venit, probis autem, qui iniuste passi sunt, ad mercedem in cælis copiosiore reportandam confert. Sed tamen hæc omnia in extremo mundi æuo fieri oportere existimo, vtpotè Antichristi prænotiões. Quæ cum ipse solus animo mecum perago, opto sanè precorquæ ex imo cordis, vt omnes huius seculi homines Christiani in sese descendant, æquo examine discutientes, quanta nos per uariatione, ignorantia, & errore ab ordine modoq; illo Christianæ perfectionis, quæ nobis in scriptura præcipitur, retrò lapsi defecerimus, quantaq; illusione improbarum Syrenû nauicula Petri in Charybdim proiecta, ac quantum, per Deum immortalem, mutati ab illis Hæctoribus nomine & corona felicibus (vt ait Augustinus) sanctis DEI martyribus. Etenim non præceptione tantum, sed & imitatione virtus percipitur. Habemus autem Sanctos illos, quorû imitemur vitam haud minus, quàm ipsum CHRISTVM, quem tunc rectè imitari dicemur, cum etiã per hos suos ministros tanquàm specula quædam, fidem nostram multotiès labascentem roborauerimus, hacq; per se ociosa existente, vitã quocquẽ CHRISTO placentem instituerimus, bonum operantes, dum licet, vt Galat. 6. Equidem antiqui ritûs erat apud Gentiles, clarorum ac sortium Heroum ob virtutem decora extruere monimẽta, nimirum quibus monerentur & posterii ipsorum ad similem industriam imitandam: ita nos etiam (si modò veri Christiani futuri simus) exẽplaria imitandæ pietatis, zeli, fideiq; actuosioris præclarissima habemus,

AD REVERENDISS. ANTISTIT.

Sáctos quippe DEI & eximios Heroas, qui per fidem vicerút regna, (sicut ethnici celebrant suos Camillos) operati sunt iustitiá, adepti sunt promissiones in CHRISTO IESV Domino nostro. Horum nos constantiam, fidem ac merita frequenter intueri, resq; ab ipsis gestas libéter dictitare fas est, ne quidem pilum latum ab his vitæ modo & constantia discrepâtes: DEVM aut orabimus pro gratia, vt horum rectas semitas calcantes, audiamus olim illud benedictum VENI-TE &c. Nihil labascentes ad opiniofas Hæreses, quæ sibi videntur beatiores & ampliore priuilegio locupletatæ, quàm vt Fidei Christianæ etiâ opera Christiana, id est, bona coniungere necesse sit. Inspidi ergo fuerunt Sancti olim, qui præterquàm quòd ipsi fidem ad miracula vsque efficacem habuerunt, etiam flagra, crucem, & tormenta passi, in summa castimonia, integritate & timore Domini vixerunt? At potius summè ingratos illufos illos, qui Sanctos, quorum opera per gratiam diuinam fides Christiana ad nos deriuata est, dedignantur, atque iniustos etiam, cùm non quidem nesciamus, omnem ipsorum gloriam CHRISTO, per hæc electorum corpora mortalia triùphanti vtiquè deberi: Saluatorem autem nostrum per hæc testacea Sanctórum vasa sæpè contriuisse Satanam, atque errantium maiorum nostrorum mentes in viam Salutis reduxisse. Sed vix mûdo, qui Babylonica cõsuetudine & ipse pluris solet æstimare, magisq; oblectari in Homeri, Sophoclis, maróis, Nasonisq; exoticis Diuis ac deliramentis, quàm vt CHRISTI martyrum panegyricos seu martyrologia asserere aut saltem lectitare adducatur. Sed híc minus spatij mihi restat, quàm vt dignè ac pro meritis suis illum arguere atque in ius vocare queam. Quod me & facere voluisse, & ab ipsius præstigijs impiaq; labe quã longissimè abesse ostensurus, hanc diui BONIFACII, patriæ

FVLDNSEM PRAEFATIO.

triæ nostræ prouinciæ Patroni Historiam mihi proponere,
 eamq; carmine heroico conscribere ausus sum, non mini-
 mum commotus ad hoc vel ipsa huius Sancti diuina ac cœ-
 lesti nomenclatura. Videmus enim ethnicos, vt maximè, no-
 mina sibi vsurpasse à proprietate aliqua corporei habitûs,
 vt liquet in Platõe, Panfa, Nasone & Cicerone, maiores qu-
 dem nostros à raris virtutibus & gloriosis vitæ meritis no-
 mina adeptos, vt Timotheus, Theophylactus, Bonifacius,
 Benignus, Modestus, Vigilantius. Atque utinàm iam simus
 mutui Bonifacij, Modesti, Benigni, imò plures reperias ma-
 lifacios, Nepotes ac cupidines. Sed quantum ad hoc nego-
 cium, non ignarus fui, quàm pusillo spiritu & sine neruis,
 vt Horatius ait, essem cõpositurus, voluiq; hic rudis imbe-
 cillisq; potius quàm elinguis penitus esse. Sed tamen cùm
 alioquin neminem, qui id ipsum præstare vellet, cõspicerẽ,
 nec non grati pijq; animi sit, quenque Patriæ suæ felicem pa-
 tronum extollere, palāq; voce testari, excusabit, spero, tam
 pia mētis nostræ deuotio, quam ego à pueritia semper vsq;
 ad hanc meæ adolescētis ætatē habui. Enimuerò sicut pro-
 fessione Christianæ deuotio omnium Christianorum, ita &
 mei exercitij studiūq; fructus debetur. Sic em̃ nos iubet scri-
 ptura: Bonas facite vias vestras & studia vestra. Quantum ve-
 rò ad materiam spectat, nihil equidem de Historiæ fide ambi-
 gendum est. Sunt nanque omnia ex libris bonæ & synceræ
 vetustatis deprompta, vt potissimum verò, ex S. Vuilibaldo
 episcopo Eichstadieñ. Maximum autem à me & in commu-
 nem cultum honestatis foret peccatum, Reuerendiss. Prin-
 cept Vuolsphāge, si quenquam alium in toto Orbe præter
 Tuam Reuerendiss. Celsitudinem, huic Bonifacianę descri-
 ptioni patronum eligere præsumam, vt ne addam insupèr,
 quòd

PRAEFATIO.

quòd me consilium quoquè charissimi mei Parentis (vt ea in re decuit fidum Principis consiliariū) eò incitârît, vt istas ingenij nostri Primitias, veram vitæ huius SANCTI enarrationem Tuæ R. Celsitudini, vtpotè eiusdem Ecclesiæ Bonifacianæ seu Fuldenfis Archimandritæ, maximo iure consecrarem. Quam, quæso, eo animo atq; vultu Tua R. Celsitudo suscipere gratiose dignetur, quo solet vel à doctissimis ætateque prouectioribus profecta scripta. Felicissimè ergò atque diutissimè in CHRISTO IESV supremo nostro Salvatore nobis totiq; Ditioni Fuldenfi superstes Tua R. Celsitudo valeat, valeatq; iterùm. Dat. Fuldæ Nonis Septembribus, M. D. LII.

Tuæ R. Celsitudini

deditissimus

M. Georgius Vuiceli-
us iunior.

DESCRIP-

DESCRIPTIO VITAE

ACTORUMQUE QVONDAM IN GERMA-

*nia nostra Apostoli sancti martyris Bo-
nisacii Angli.*

EST, vbi vernali Sol vespe claudit Olympū,
 A zephyro, et vicina apparet hybernica tell⁹,
 Arctou⁹q; inde à tergo secat Orchadas eq^r,
 Insula, quæ priscis dicta est velut angulus orbis:
 Fortibus illa viris serie & notissima Regum,
 Frugifero ditata solo, citraq; Tuium
 Aurumq; argentumq; ferēs, nigrumq; bitumen:
 Quam populi insignes, cumulataq; gloria rerum
 Marte domiq; olim fecit prænobile regnum.
 Hanc adeo cupiam si digno extollere versu,
 His equidem missis, hoc saltem nomine primo
 Laudibus immensis poterat sat digna videri,
 Quòd nondum decora illius inter plurima cerno
 Vllum maius opus, quàm q; patria extitit huius,
 Quo primū assuevit Christo Germania quondā,
 Ac cæca impietas sine maiestate relicta est,
 Quo sumpsit magnū incremētum Ecclesia nato.
 Huius res gestas iam primo à lumine vitæ
 Vsque Deo sacræ suprema ad funera mortis,
 Non ego inornatas, animo hoc vrgente, silebo.
 Tu modò summe pat^r nostris, precor, annue votis,
 Auxilio cuius miracula tanta peregit
 Quem refero. Quid nanq; tuo sine numine fiat?

Anglia re-
gnum.

*Not. p. 10. 7
S. 10. 10.*

Anno Do-
mini 733.

Anglia sub
H. telberto
primo fidē
Chřianā re-
cipit an. 711.

Illa adeò, cui nunc propriū manet, Anglia, nomē,
Ecce bono auspicio & cælo venientibus annis,
Nosse cupit quæ sit cultūs melioris origo,
Gregorio Magno authore, hoc qui tēpore Presul
Lucis iter populis diuino dogmate monstrat,
Tunc cum Clōtarium iactaret Francia regem,
Imperium & staret Romanum à principe magno
Mauritio, latē regnante vbi Solis ad ortum
E matutino iuga subdita rore madescunt.
Postquā autem fuit improbitas patefacta satanū,
Hæc Christum induitur, Ditisq; Iouisq; perosa
Sacrilegos cultus, ritum vanum atq; nefandum,
Spiritus ætherea veniens quia sanctus ab arce
Clarificat, gentemq; superno numine adimplens,
Verba patris summi mandataq; sensibus infert.
Vt verò totam hanc gentē se adiūgere CHRISTO
Promouit sancti cælestis gratia Flatus,
Eluxere viri multa pietate verendi,
Cælitus asciti, sacroq; à numine pleni
Dogmata tradendo, diuinaq; signa operando,
Ritē docent Christum, cælestia regna propagant,
Atq; animas ipsi pro lucro apponere curant,
Hos inter numerum meruit palmamq; tenere
Hic natale solum, cælo gratissimus hospes,
Quem prisco legimus Winfridum nomine dictū,
Nunc verò ostendūt verē inclyta noīa SANCTVM,
Quod

S. Bonifaci⁹
olim vocat⁹
Winfridus.

Q, tam multa etenim merita atq; bona egerit, ipsi
 Sæpè quidē faciendo bonū, nunc nomen adhæsit,
 Cui pater æternus dedit hæc primordia vitæ,
 Quem velut à primo sibi iam prædestinat ortu.
 Cum iam vernaret puero iuuenilior ætas,
 Ingenium & viuax ipsis coalesceret annis,
 Cura omnis seu vita fuit directa supernas
 Ad leges, sequiturq; Deum, gaudetq; tenaci
 Semina cælestis doctrinæ infigere menti,
 Solum illum discens, solum quem discere fas est.
 Mox se intus maiore ostendit Gratia motu,
 Postq; animum penitus transferre ad sacra, piūq;
 Relligionis opus cæpit, mundanaq; spreuit,
 Nec meminit curatve, licet permagna Parentes
 Suspenso super his sæpe admiratio ducat:
 Qui mox sic taciti pia numina poscere credunt,
 Audi sunt puerum ferre ad loca sola docendum
 Artes, quas doceat rector Wollfhardus & abbas.
 Tātus amor, tantum & precium fuit, ardua qndā
 Scripturarum elementa locis addiscere sacris.
 Cum verò hīc tantum studijs promouit, vt oīnis
 Pagina Scripturæ, sanctūmq; volumina Patrum
 Intellecta satis, mandataq; sensibus essent,
 Continuò maior tanto quærenda videtur
 Cultura ingenio: grauiora industria poscit.
 Est aliud sacrum, Winberto præside, claustrum:

cœnobium
 olim scholę
 literarum,

Fortè vocant Angli Nuticellam nomine auito.
 Huc quoq; tantus amor discèdi compulit ipsum,
 Hic demum certans totas intendere vires
 SANCTVS, & assiduo studij impalescere amore,
 Ecce operam sequitur fructus, iam multa scientis
 Vberior longe sapientia creuit in horas.
 Multi illum ceu pædonomum tenuere colendum,
 Virtutesq; viri cuncti mirantur amantq;.
 Ipsa adeò è summo descendens gratia cælo,
 Hoc vase electo mansura habitacula fecit.
 Ter denos igitur postquã numerauerat annos,
 Ordine formatus sacro venerabilis heros
 Efficitur, subit inculpatae munia vitæ,
 Fit clarus, cunctûmq; meret volitare per ora,
 Vt quando in tenebris lumen si accedat obortum,
 Irradiat splendore locum, maiusq; videtur.
 Hinc vos ò Mystæ vel serò discite, vestra
 Sic coram populis opera illucere, paresq;
 Estote & studio & vitæ ratione modoq;.
 Vt porrò ipse suum cernens Winbertus alumnû,
 Sic magis atq; magis pollentem numine sancto
 Nil prohibet, Virtus illum sua quò vocet vltro,
 Permutare locum, diuinâq; dogmata Christi
 Ferre per ignotas gentes, per barbara regna
 Doctorum Christi vulgato more viaq;.
 Nec mora, mox patrijs iam soluitur ancora terris,
 Com-

Committens pelago puppim, dans carbasā vērīs,
 Teutoniā versus properat, linquitq; Britannos.
 Vt primum transit Gallos, Belgasq; feroces,
 Dordracum, Frisiāq; venit, Rhenūq; bicornē,
 Exercens etiam hīc studium pietatis, amoremq;
 Erga omnes, secumq; trahit per pascua Christi,
 Omnē exinde plagam, satagens adiūgere Christo.
 Quauis hīc streperū murmur fieretq; tumultus
 Inter Radpodum Frisium, & quem Gallia regem
 Tunc tenuit, stimulant iustis à partibus iras,
 Penē vt luctificum faceret discordia bellum:
 Dum Frisius populis Christi miserē vndiq; pulsus
 Vefanus vastans sacras cultoribus ædes,
 Sustulit ē templis Diuorum innoxia signa,
 Ad satanæ horrendum declinās turpis honorem,
 Gentili faciens sua regna putrescere cultu:
 Huius sed nihilominus atrocē confringere mentē
 Radpodi Ducis & medium tentare furorem
 Ausus erat SANCTVS, quo cæcum illuminet istum,
 Vsq; preces fundens, & blandius ora resoluens,
 Obsequium sperans, sed desperare relictum est.
 Quis sæuas tigres animaliaq; aspera tactu,
 Tam facile ad cicures adducat mitia habenas?
 Si non ore fidem Christi sat tradidit, illam
 Morte pia SANCTO testandi offerrier horam
 Noluit ecce Deus, quoniam cognouerat ipsum

Dissidiū ob
 religionem
 Christianā
 inter regem
 Gallie & du-
 cem Frisiz.

Posse & oues alias ad idem compellere ouile.
 Non ergo in sterilem placuit pia semina terram
 Spargere, ne incassum fierent præconia Diuûm.
 Deserit hanc oram, sed iusta in tempora differt.
 At iam Pontifici cupiens quoq; notior esse,
 Vnde suo officio contingat plena facultas.
 Nec mora propositi est, Sanctâ proficiscitur urbē
 Ausoniam, properans Diuis pia soluere vota.
 Hic tunc Gregorium Petri tenet aula secundum,
 Hic ut inaudiuit SANCTVM diuina loquentem,
 Sedibus autumnans illum cælestibus ortum,
 Diuinis operis & censet honoribus aptum,
 Digna salutiferi iniungens mox munia Verbi,
 Dat libertatem, vastæ Germanidos oram
 Hac fandi virtute sua coniungere CHRISTO.
 Tum planē tanti pendens dum publica defert
 (Priscorum est pro teste fides) mandata, suumq;
 Pontificis saluum testantia scripta favorem,
 Digne collaudans, ipsum quot gratia Sancti
 Flaminis & donis præsentis & numine ditet,
 Tum verò, quoniam passim Germania tellus
 Impia adhuc satanæ culturam amplexa foueret,
 Hic doceat legem Domini gemino instrumento,
 Primus & creptam tenebris conuertat Olympo.
 Ille pater patriæ quondam dignissimus æris
 Teutonius ora tuis, cui nec te aliquando referre

Vide de his
 decre. caus.
 xj. qu. 3. cap.
 antecessor,
 & Quod
 præcessor.

Acce

Acceptum pigeat Diuini Dogmatis vsum.
 Hic ni præ reliquis sancto te arisset amore,
 Vt tete errantem sauo mox exuat Orco,
 Indiga nempe diu mansisses Numinis alti.
 Vnde tuum est, si te pietas, si tangat honestum,
 Authori SANCTO meritos impendere honores,
 Quē DEVS hoc ipso nō dedignatus honore est.
 His verò monitis Romano à præfule motus,
 Obsequium gratesq; tulit, Romamq; relinquens,
 Accelerat prompto lusceptum pectore munus
 Perficere, ingrediturq; viam: vestigia figens,
 Ad prærupta Alpina venit iuga: deinde pererrās
 Ignotis Baioariūm confinia terris,
 Inde vbi conspicitur crebris Thuringia syluis,
 Hic se aperit Domini seges atq; vberima messis,
 Quæ iam luxurians poscit matura colonum.
 Hic cæli regnum, nomenq; potentis IESV
 Intulit, atq; Euangelij increbescere luce
 Procurans, ipsos populos, heroas, & ipsos
 Primores vano à cultu diuellere tentat.
 Intereā verò SANCTI peruenit ad aures
 Radpodi cæci fatum, & nitentis ad Orcum,
 Rursus ad immitem Frisiam deflectere anhelat,
 Præcipuè hanc curans, certi tanquàm ominis esset
 Conscius, hac ora pro CHRISTO occumbere mortē.
 Hic, quæ distulerat, Verbi præconia rursus

Bauariā
 euāgelizat
 S. Bonifaci⁹

At

Atq; fidem sanctam terras diuulgat in omnes.
 Mox operis socium sortitus Wiliebrordum,
 Relligione parem, patrio & sibi climate iunctum,
 Omnimoda virtute virum, sanctumq; bonumq;
 Multa exinde dies, & verbo viuida virtus
 Rettulit in melius, fructusq; est nempe sequutus.
 Ut noua tēpla struunt Diuis, ac thure vaporant,
 Gratia cælestis pullis micat orta tenebris.
 Dira autem pestis subito præconibus istis
 Pulsa fugit, fractisq; ruunt crepitantia ab aris
 Portentosa deūm fanis idola diremptis.
 Hanc palmam referens, prædāq; ex hoste reportās
 SANCTVS Germanæ regionis Apostolus, inde
 Festinat rursus proficisci, hac sede relicta,
 Cis Rhenum celsos ostendit vbi Hassia montes,
 Aruaq; Saxonæ celeberrimus irrigat Albis,
 Causa Euangelij libertatisq; docendæ,
 Nil piget, in grauib; semper persistere cœptis,
 Nec iam sæpe vias longas iterare molestum est.
 Tantus inest ardor CHRISTI, pietasq; fidesq;
 Obfirmato animo sanctos tolerare labores.
 Sic verò multis populi iam millibus huius
 Cōuersis CHRISTO, cultuq; sequentibus, ipsam
 Ausoniam SANCTVS per scripta citatus ad Urbem,
 Aduolat, apparens coram Rectore beato.
 Is mox pacificam venienti obtendere dextram,
 Suspi

Susplicere, & secum dictis exposcere amicis
 Cœperat, & CHRISTO gratatus in hospite tanto,
 Multa super cultu rogitare, super ^{græcæ} ~~græcæ~~ multa,
 Germani quibus auspicijs, ritûve, modôve
 Instructi, doceat, quo cedant omnia voto,
 Dirâ ne submôrît penitus contagia gentis.
 His mox quæsitis SANCTVS responsa ferebat,
 Vndè equidè laude & magno cumulat⁹ honore,
 Exhinc præmonitus, quàm sint sibi Numina cure,
 Tam nunquàm velit à tantis desistere cœptis,
 Atq; adeò (siquidem sæpe est labor arduus heres
 Virtutis, virtute omnemq; meremur honorem)
 Nomina ne deessent, sacratur Episcopus ipse.
 Pro magnaq; opera meruit simul inde fauorem
 Gallorum regis Caroli, quem nosco fuisse
 Magni illius auum, Martelli nomine dictum.
 Nec satis est, etiam notis data litera venit
 Principibus Thuringiacis dominantibus oris;
 Alboldo eximio, Guntro, Godolao & Adolpho,
 Talia nempe ferens minimè sine pondere verba:
 Accipite hûc procures, prôptasq; aduertite mêtes,
 Quoscunq; hic sancti trahit ad mysteria Verbi,
 Atq; animis quorum virtus illuxit ab alto,
 Huic date (quæso) locû, vestris procul exigat oris
 Insidiatorem, vos cæco errore trahentem.
 Hæc vbi scripta, statim remeat, Romaq; relicta,

epistola gre-
 gorij secûdi
 ad Germa-
 nos.

Arbores co
lūt Haſſi. vo
cabāt verò
Tremensul/
Martſul/
&c.

Alpinos ſuperat montes, Germanaꝫ venit
Climata, ad Eoum flectens Haſſosꝫ reuiliſit
Heu iam deceptos iterum, ruſſumꝫ labantes,
Tartareæ immerſi quoniam caligine noctis,
Iam priſca impietate colunt ſimulacra nefanda,
Dū magnæ, horrendūꝫ ſonantis robora quercus
Numina falſa Iouis curuato poplite adorant.
SANCTVS vt iſta videt miſeræ deliria gentis,
Ingemit, & diris talem vouet arboris vſum,
Excindiꝫ iubens, vitæ discrimina ſenſit.
Vt quoque Thuringos luſtrat, miſeratur & iſtos
Tam paruo intereā ſpatio ad ſua damna relapſos:
Indoluit, motusꝫ rei nouitate, retentat
Inuigilans animo demū duce & aſpice CHRISTO
Hos omnes facere æternam cognoscere vitam.
Sic ergo, quauis immenſa mole laborum
Nitiſur vſque tamen paganum auertere cultum:
Vipereum ecce neſas procul, erroresꝫ maligni
Ceſſerunt, reuocat multos, redditꝫ beatos,
Iamꝫ Patrem credūt parili & cū Flamine Natū,
Iungit & vna fides cunctos, eſt vnica cunctis
Ianua, vita vna, & CHRISTVS ſpes vna ſaluſꝫ.
Profuit ecce labor ſecundaꝫ gratia SANCTI
Reddiderat multos ſuſpenſos numine Diuūm,
Atq; ad eō iam dehinc ſua tetra idola perſiſ,
A primo ſacras fundamento excitat ædes,

Tunc

Tunc & Frissariæ delubra antiqua beati
 Victurum in Petri semper firmauit honorem,
 Ordorff statuens primis quoq; mœnibus urbem.
 At numerosa cohors cupiens se dedere CHRISTO,
 Ac fontis sacri puris intingier vndis,
 Hac illac ruit & sacrorum auidissima fertur.
 Stat iam læta seges, fœcundaq; vinea CHRISTI,
 Multorumq; exposcit opus, nec sufficit vnus.
 At pius Ergastes Domini, verusq; colonus
 Cernens curarumq; operumq; increfcere molem,
 Consilio inuento & se spe solatur ab illa,
 Ex Anglis accire plagis, orisve Britannis
 Symmystas virtute pares doctosq; piosq;
 Fœmellasq; itidē sanctas, CHRISTOq; fideles,
 Hos vnà cupiens secum partire laborem.
 Littore ab Hesperio, sed qđ propè cōspicit arcton,
 Adueniunt celeres Burchardus, Lullus, & ipsi
 Materno venit Kunihildis sanguine iuncta,
 Nataq; Bertgitis, Waltpurgis, Tecla, Lieba,
 Destināt hos sacris, varias & dīdīt in oras,
 Vndiq; qui doceāt populum gentemq; renatam.
 His ergo curis SANCTVS dum seruidus instat,
 Instaurans verbo, inq; viam portumq; salutis
 Palantes hincinde greges sermone reducens,
 Haud adēò longum post tempus Epistola venit
 Gregorio à Papa, sed successore Secundi,

Ex Anglia
 vocāt Chri-
 stiani con-
 fessores.

S. Vualpur-
 gis soror S.
 Vuilibaldi.

Gregorius
 tertius.

Adplaudens operi tanto, verum sua nondum
 Digna quidē SANCTVM sacra Pōtificalia habentē,
 Condecorat raro specialis munere palli.
 Sed vir cælestis pro tanti muneris vsu
 Aduigilat, magis ac magè de seruire paratus,
 Errantes animas illustrans dogmate CHRISTI,
 Nunc verbo ædificans, nunc ligno limina sacra.
 Hinc Baioariam rursus Francosq; reformat,
 Tollens paganos ritus, moremq; nefandum:
 Hos & ab hæresibus conatu vindicat omni.
 Iam postq; populi præmagnam Ecclesia turbam
 In numerum accepit, solennia sana parauit
 Quatuor, hîc rapidis vbi fertur Boius vndis
 Danubius, statuitq; Patres pietate verendos.
 Accipit Ermbertum Frisinga, piumq; Ioannem
 Salsburgum, Patauim tenuit sed Viuilus urbem,
 Atq; Ratisponæ Gaibaldus præsidet altæ.
 Hac serie longa, quos præstitit vsq; laborum
 Promulgat CHRISTVM, nec in vna sede quiescit.
 Tempus erat, regni Francorum vt posceret ordo
 Insigni Carolomannum de stemmate regem,
 Martello de patre satum, cum fratre Pipino,
 Quo genitore ferunt natum te Carole Magne:
 Progenies heroa, potens, pia, magnanimisq;
 Immenſe Patrem quæ maiestatis honorat,
 Tum verum Natum, simul & Spirabile numen,

S. Bonifaci⁹
 in superiori
 germāia in-
 staurat epi-
 scopatus.

Iudicium extremum credens, rediuiuaq; carnis
 Corpora adoptari mansura in gaudia vitæ.
 Hos adit, hos precib⁹ Germaniæ apostolus vrget,
 Vt synodum cogant, accitis vndiq; Mystis,
 Constringant normæ censura ac legibus illos,
 Qui vel defidiam luxúmve sequantur inertem.
 Indè Moguntina detrusus sede Gebilbus,
 Desijt infamis mitræ modò Episcopus esse,
 Vt nemo occisor, mæchúsve, ocíve benignus
 Culmine Apostolico posthàc præfulgeat vnquã:
 Diuinis pollens virtutibus ecce DEI vir
 Dum sponsam CHRISTI veris zeli ignibus ardet,
 Nancisci meritos iam pridem dignus honores,
 Præfulis ad sedem mox sublimatur eandem,
 Vnde Moguntina est Ecclesia tempore ab illo
 Metropolis: mereat quoq; nunc sic digna vocari.
 Ast ita terdeno Sol cursu absoluerat orbem,
 SANCTVS vt his terris se bis tria lustra recordans
 Germanæ genti certam reparasse salutem,
 At iam Gregoriũ vitas vixisse duorum,
 Vsq; ad Zachariam Papam è regione Pelasga,
 Huius opem quærens mero pietatis amore,
 Literulis missis quorundam crimina defert,
 Commemorans, natæ quædam mala religionis
 Crescere per damnum, scædos reuiuiscere mores,
 Vtq; ea restinguat, solita ac virtute retundat,

Reges Gal-
 liæ refor-
 mant fidem
 Chřianã in
 Germania.

Esse adeò immensum, vires quod ferre recusent,
 Se petere auxiliumq; & opem Regumq; Ducūq;
 Qui plectant scelera impositæ formidine pœnæ.
 Parua fuit mediū mora temporis, accipit inde
 Responsum, & conturbatæ solatia mentis,
 Dum Carolomannum solito plus sensit amicum
 Subsidia in causis fidei nunc iusta ferentem.
 Nam steterant quondam Gallorū à regibus, hui⁹
 Teutoniæ populi vires, tutela, Salusq;.
 Sic igitur rursus regnū peramabile CHRISTI
 Latius en floret, melius successit & omen,
 Exactisq; dolis satanæ, secla aurea surgunt.
 Vt videt extinctū sese, & sua numina satthan
 Nudari, totoq; locum sibi deficere orbe,
 Ringitur, & dubitat, superari an vincere malit.
 Dissiliūt fractus, sed enim deterrima sparlit
 Fragmina, vti restent veteris vestigia fraudis,
 Quæ portentifico temerarēt schismate CHRISTVM,
 Progenerans quosdā Stygio è fœtore scatentes
 Insipidum Albertum, Clementem, & finibus iisdē
 Samsonem Scotos, synceri dogmatis hostes,
 Audentes sanæ doctrinæ oppedere SANCTI,
 Latrantes nil esse, sacro si fonte renati
 Signentur sancta cruce, detestentur & hostem:
 Sufficere, impositam dextram semel esse lauantis,
 Nil conferre etiam sacri Baptismatis vndas.

Heretici ori-
 unt in Ger-
 mania.

Id gen⁹ hæreseon multa, & noua dogmata multa
 Germanos inter populos disseminat Orcus.
 Vt propius certè inspectis erroribus horum
 Colligitur, dicas prænuncia dira fuisse
 Nunc malè grassantis Germano in climate Sectę.
 Venerat hora DEI pro zelo actōq; labore
 Opprobria, ærumnas, sæuæ & conuicia linguæ
 Iugiter hunc SANCTVM constanti pectore ferre.
 Currenti hoc stadio lex est certaminis, iisdem
 Affligi, prauæq; pati fastidia gentis.
 Nonne autē pariter CHRISTI persepe ministros
 Esse ignominias, liquet, & ludibria passos?
 Paulus Ananniam sensit, Petrusq; Simonem
 Detrectatorē blasphemum Ereboq; profectum.
 At non impatiens SANCTVS, iam iure vocandus
 Nomine Apostolico, fuerat nec nescius horę,
 Ferre iugū Domini, atq; his se velut igne probari,
 Lentus ad hæc ultor, pacis cui cura tuendæ,
 Ac mens fortis erat, durisq; inuicta ferendis.
 Nec res vlla viri tantū præcordia vexat,
 Quàm noua, q̄ scriptis contraria & absona sacris,
 Aut Euangelij aut Patrum pugnancia sensis,
 Quæq; Fidē circunueniūt incommoda nostram.
 Ergo animo curas agitans secum ipse reuoluit,
 Neū malus hinc error, neū noxia multa sequant̃,
 Damnatis horum cœptis obflare laborat.

Persecutio
S. Bonifacij.

Zelus S. Bo-
nifacij.

Hi verò SANCTVM culpantem crimina vitæ,
 Intendunt temere infestare & lædere dictis,
 Atque etiam coram Papa traducere falsò.
 At tandem vicit verum, vt quandoque laboret:
 Ceu quando oppositas rutilissima Solis imago
 Excussit nubes, nullaq; obstante relucet.
 Sic qui gliscebant illum proscindere dictis,
 Polluere atque nouis inuentis dogmata sancta
 Incussère ipsis sua friuola dicta pudorem.
 Iam quoq; Pontificem nil sollicitare veretur,
 Sæpius effusis precibus, queriturq; rogatq;
 Ne prius ipse sinat securum obrepere somnum,
 Quàm vigili hæc studio tetra contagia pestis
 Principio obnitens, incauto auertat ouili.
 Mox iterum ascitis Patribus, Synodoq; coacta,
 Edicit populo ac Clero, mandatq; iubetq;
 Vt veteris vitent virus serpentis, & ora
 Plenaq; perfidiæ diroq; infecta veneno,
 Abstineant vitia, & sapiant cælestia regna,
 Concilia instaurent, delenda ad noxia Ditis
 Semina, & elisæ crescentis fortiùs Hydræ.
 Sic ergo aduigilās SANCTVS, sic ardua tentans,
 Quid non se dignum studio feruente peregit?
 Quot p̄clara opera? aut gestorū quātus aceruus?
 Quātum curarum? meritorumq; aspice, quantū?
 Dum studet enixè, mētisq; huc pondera vergunt,
Huc

Huc omnē vitam impendens, hæc prima voluptas,
 Cælitus accepto perfungi munere ad Aram,
 Aeterno & regi commissa referre talenta.
 Sed nec sydereū finem facit antè laborum,
 Quā Saluatoris nostri per secula Regis
 Iustitia, vt splendor, toto egrediatur in orbe,
 Quamq; Sion superans, alto se vertice tollat,
 Donec felicem se authore Alemania iactet,
 Dicatq; Hic in me CHRISTI iritauit amorem,
 Numinis hic sancti primum instaurauit honorē:
 Quod neū sit dubium, neve inuidiosa vetustas
 Lethæis defraudet aquis, monumenta reliquit
 De se perpetuum sic testatura per æuum:
 Est regio celebris iam nunc ab origine SANCTI,
 Sublimi nobis Hassos prospectat ab arcto:
 At qua parte diem Titan attollit amœnum,
 Thuringi ancipites, Romanisq; inuida signis
 Saxonia apparet, multorum exercita Marte:
 Ad cæli medios ignes seu floret ad Austrum
 Vitifero monte & pagis Franconia opimis:
 Hesperiam versus miscet se Mœnus in vndis
 Spumantis Rheni, fluctusq; & nomina linquit.
 Hic inter crebra vndarum peramœna fluenta,
 Cum strepitu saxosa inter loca Fulda susurrat:
 Quam syluæ & mōtes in gyrū hincinde recingūt.
 Hunc media ipse locum Germana elegit in ora,

Topogra-
 phia Ditio-
 nis Fulden.

D Qui

Qui foueat vitæ exactæ post tempora corpus.
 Mox etenim sacrum fluuij hîc in littore Fuldæ
 Cœnobium in mansurum SALVATORIS honorem
 Condidit, augustis donis & honoribus auctum
 Zacharia à Papa, & Gallorum rege Pipino,
 Tum Carolomanni firmatum robore legum.
 His autem diuus perhibetur Sturmius olim
 Promeruisse sacris primus succedere tectis,
 Colligere & numerum, Diuosq; & sacra colentū.
 Hic laudes canere, & CHRISTO dare thuris honorē,
 Atq; aptare preces, sanctaꝝ assuescere norma,
 Assiduisq; operis, moderato ac viuere victu
 Instituit, planè & diuino degere more.
 Rectè si media virtus in parte locata est,
 Hæc regio illustris, ceu centrum, clauditur inter
 Germanas media ecce plagas, doctore sed ipso
 Cernis vbi manasse Fidem per dogmata Verbi.
 Illius hinc maiore loci iam captus amore,
 Consilium exercet secum, spemq; inchoat istam,
 Ne sit cœnobium tantum, sed terra notata
 Limitibus certis, capiat quoq; iugera multa
 Libera ab hinc Ditio proprijs signata colonis.
 Promouet ergo isthoc, precib. q; extorquet amicis
 A Carolomanno tunc has dominante per oras,
 Tunc qui Thuringos Sorabos, qui Saxoniamq;
 Gallorum in regnum felici Marte subegit,
 Contulit huc etiam largissima dona Pipinus,

S. Bonifaci⁹
 assignauit li-
 mites Ful-
 den regiōis.

Zachariasq̃, alijsq̃, simul testantia signa:
 Quorum semideum Regum veneranda potestas,
 Ob regnum CHRISTI, verum & pietatis amorem,
 Buchoniæ hanc terram felici sorte beavit.
 Horum animas certum est, sublimi viuere Olympo,
 Et capere æterni speratam luminis auram.
 Hinc tandem euasit celebris locus, hinc quoq̃ tandē
 Principio ex paruo magnæ vrbis mœnia surgunt,
 Fulda cui nomen fecerunt flumina Fuldæ,
 Clara patris patriæ tumulo nunc floret in æuum,
 Floret, & aërias caput exerit alta sub auras:
 Quam videas verè largis virtutibus auctam,
 Aëris atq̃ loci, frugum pecudumq̃ beatam,
 Cuius non raras in idonea tempora laudes
 Differre inuitus cogor, nec copia fandi.
 Hinc ea metropolis, præstansq̃ Ecclesia nata est
 Latiuago cui tractu omnis Fagonia seruit,
 Municipēsq̃ suo dicunt sub principe Iura,
 Cui nunc heroa & diues virtute superna
 Progenie antiqua Wolphangus præsidet Abbas,
 Cui motus generosi animum moderant, & ornat
 Rerum nobilium præclara scientia mentem:
 Tempora honoratæ tribuat cui longa senectæ
 Immensus pater immensi regnator Olympi.
 Sic verò SANCTVS permagnum nomen ab orbe
 Ac laudes tulit eximias, meritissq̃ decoras,
 Iamq̃ fauent animis summi Regesq̃ Ducesq̃.

Reuerēdis,
 D. & Prin-
 ceptis. Vol
 phāg. ab V
 sicken, Ful-
 den ecclesiæ
 antistes.

Afferitur toto amplexu: venerantur, amantq;
 Insignem pietate virum, nulliq; secundum,
 Cuius ab immenso myſteria ſacra labore,
 Tam Fidei quàm Euangelij Verbiq; potentis
 Tradita ſunt olim, primumq; exercita terris
 Gens Germana tuis, qui nubila pectora ſolers
 Purgauit tua, ſcripturas tulit ecce ſub auras,
 Atq; feros animos diuina contudit arte:
 Vndè ſacramentum fontis ſaluanda ſubiſti,
 Sancta Prophetarum ſerie mandata capeſſens.
 O vas ſacratum, neſtar prædulce ſalutis
 Propinans noſtris fidis maioribus olim,
 Quale ipſi ſeclo non guſtauere priore,
 Nec iam nunc ſimile octingentis noſcere ab annis
 Contigit, aut nūquàm Germania forſan habebit.
 Vt conſummauit ſtadium, in Dñoq; triumphat,
 En labor extremus ſua ſit finemq; modumq;
 Cum CHRISTO eſſe cupit, ſeſe & diſſoluier optat,
 Martyrio gaudens animam expirare beatam:
 Quandoquidem Friſiæ reſtare in finibus audit
 Permultam meſſem, ſed deficiente colono,
 Partim deluſam miſerè, rurſumq; prophano
 Implicitam cultu, partim abiurare paratam.
 Proh De⁹, hinc quantū eſt mœrore affect⁹ acerbo:
 Sollicitis animum curis ac luctibus ægrum
 Exercens, magis illa dolet quàm fata, ſubire.

Ergo Moguntinæ licet vrbis Episcopus esset,
 Compositis tamen hîc saluisq; ante omnia rebus,
 Lullum Thesgo sibi iunctum pectore amicum Lullus disci-
pulus S. Bo-
nifacij.
 (Dum redeat) custodem ouibus præfecit agendis,
 Imponens Pastoris onus, sic multa precatur,
 Perq; illum, quo se semper dilexit, amorem,
 Perq; fidem, per amicitiae notissima iura
 Ritè gregem CHRISTI interea ad sua pascua ducat,
 Absentisq; obeat munus fidissimus, orans
 Insupèr & sacrum Fuldana ad flumina Templum
 Abs se fundatum, magnisq; authoribus olim
 Ditatum, sua defuncti quòd contegat ossa,
 Néve aliquo casu labefactatùmve ruina
 Concidat, aut minuat collapsum tetra vetustas,
 Sustentet reparaetq; , rogat: mox deniquè subdit
 Verba quidem nimium fati præsaga futuri:
 Hanc ego si vitam, CHRISTO inuitante, relinquam,
 Et mea me eripiet fata, hac precor Aede sepulcrū
 Esse meum facias, extinctaq; membra reponas.
 Talia dicentem SANCTVM, fortisq; tenacem
 Propositi obstupuit Lullus, nil iamq; retardans,
 Triste gemit, multo suffundens lumina rore,
 Verba inter lachrymas nequicquā plurima miscēs,
 Corde nimis, tam dulci à fratre, auellitur ægro.
 Ecce viæ comites, Rheniq; in littore puppes
 Expectant, Lullus Diuis commendat euntem,

Prosequiturq; pijs votis ac fausta precatur.
 Vela igitur pandit, versaq; relabitur aura
 SANCTVS, & assertam cælestibus ecce relinquit
 Teutoniā charā, quærens loca peruia ad Arctum.
 Attigerat Frisiam terna vice, iamq; reformat
 Hanc iterum doctrinali mox gratia, & iisdem
 Astruere aggreditur factis verboq; salutem.
 Hinc q; te cupiens magno hoc se fasce leuare,
 Digne DEI præsul populis Eobane docendis,
 Nomine pro cuius Traiecti degere in vrbe
 Te statuit curæ sibi fessa ætate leuamen.
 Ast exoptatum propius cū tempus adesset
 Sanguine in effuso chlamydēq; stolamq; lauādi,
 Delegit quosdam ad certamina sancta ministros.
 Hos Domini zelo ardentes & pectore firmo,
 Scirbaldum, Wintrugū, Walterūq; & Adolphū,
 Gundecharūq; & Adellarum, fortemq; Busonē,
 Qui mox martyrij pariter meruēre coronam.
 Nam postq̄ cœpit sæuire intra oppida vulgus,
 Horrida multorum capitum quia belua vulgus,
 Nec tam cultus ager, q̄ non spina hispida crescat:
 Vidit & vberius CHRISTI succrescere turbam,
 Quā quæ curari breuia intra mœnia possit.
 Christigenas ergò passim quos antè lauacro
 Lustrârat, cupiens etiam pro more decenti,
 Imposita dextra, verbisq; astringere sanctis,

Iusse-

Iusserat ipse omnes ad campum ruris amœni
 Indictō remeare loco seu tempore certo.
 Castra casasq; igitur sub dio hincindè locare
 Hæc minimè segnes opera ad diuina ministros,
 Ac,iubet,hic expectari in statione Fideles.
 Tempus adest,venitq; dies horæq; statutæ.
 Expectant longum, longarum & causa morarum
 Suspecta,ancipites tenet inter spemq; metumq;.
 Ecce autem Patris æterni mirabile numen
 Quàm varia immittit: nec cognita,destinat,antè
 Heu non hæc sperata viris euenta malorum,
 Heu scelus infandum,crimenq; immane,nefasq;,
 Cominùs horrèdum paganorum ingruit agmen,
 Arma inter furiosa strepens,districtaq; tela,
 Proq; ouibus venêre lupi,pro fratribus hostes,
 Colluuijs furijs ipsis infanior Orci.
 Attoniti excelsère casis,ad prælia sese
 Quippe redempturi per mutua vulnera vitam,
 Armantes socij,nec tantùm tendere contrâ
 Sufficiunt.inter manet imperterritus omnes
 Confidens SANCTVS, vitare instantia nolens,
 Lætanti similis,Socijs mox talia fatus:
 O Socij,O comites, non sic vos præmia mecum
 Cæli fertis,aic: cur non maiora mereri,
 Quid n vitâ hâc miserâ,libet: an modò fata subire,
 hac vita subeunda semel,trepidatis,vt olim

S. Bonifacij
 iussu marty-
 rio coronâ-
 di,ad socios
 suos oratio

Cum

Cum CHRISTO hæredes longum viuatis in æuum?
 Hæc (si nescitis) via panditur ardua Iustis,
 Hanc pater è cælis expectatam obtulit horam
 Accipere æternam testantia vulnera vitam.
 Non patimur primi, (ne dura euenta putetis)
 Quæso animis prisca casus euoluite secli.
 Quot liquet ob CHRISTVM iustorū millia passos?
 Quin quoq; nos animo firmato audentiùs ergo
 Ibimus in casus omnes, per tela, per hostes?
 O dignam sancto demissam pectore vocem,
 Qua parent omnes, qua protinùs omnibus equè
 Inculcata viris iustæ est patientia mortis.
 Glorificant laudantq; Deum, votisq; solutis,
 Protinùs heu rapidæ vasto clamore cohortes
 Ecce ruunt rabie atq; armis, hincindè parantes
 Assaultum, sæuo oppressos miserè ense trucidant.
 Cæduntur Sancti, grata sed morte superno
 Rite Deo sancta hæc animas per vulnera reddūt.
 Ipse suam SANCTVS sic per cruciamina lethi
 Proiecit vitam, plenum & laudabile tandem
 Martyriū præbens pro regno ac nomine CHRISTI.
 At Pater omnipotens illorum iussit in alta
 Viuorum regione animas requiescere puras,
 Ambrosiùsq; epulis sperata & velciet aura,
 Quos sic cognouit, duroq; in agone probat
 Sed neq; in his etiam insanum satiare furorem

S. Bonifaci
 cum socijs
 martyrizat
 anno 755.

Aut

Aut potuit finem facere execranda Tyrannis.
 Diripiunt vastantq; innoxia castra, inhiantq;
 Prædæ & opum spolijs: turbant, rimatur ab imo:
 Haud tamen hîc qcquâ, nisi scripta volumina celsi
 Martyris eruitur, quorum vnum fertur ad vsum
 Assiduò manibus triuisse, ac mortis agone
 Pro clypeo obiectâsse simul cædentibus ense.
 Qui liber ad nostros hîc nunc quoq; cernit annos
 Incisus ferriq; notis insectus, at intus
 Integer, illæsus, nec perditâ litera defit.
 Vndè hodiè cernas depicta in imagine SANCTI
 Transfixum Frisij lictoris codicem ab ense.
 Sic porrò insani dira exagitantur Erinny,
 Huc illuc penitus capti iam mente feruntur:
 Mox in sese omnes, eadem mittuntq; feruntq;
 Vulneribus vel adhuc Sanctorum saucia tela.
 At nulla in longum superat violentia tempus,
 Christicolis meritas pœnas dant ocys omnes.
 Vt deinceps Frisiæ dispersa est fama per vrbes
 Infandi sceleris, furibundorumq; latronum,
 Ecce ruens populus Traiecto, tristia luger,
 Fataq; deplorat, cælorum corpora ad urbem
 Transportans, acto & ferali munere, sacra
 Condit humo, tumulisq; pios indicit honores.
 Ipse autem pariter lachrymas fusurus acerbis,
 Nunc demum edendi suspiria plurima ab illo

Sortitus causam, Lullus pia funera deflet
 Affectu vehemente p̃ij dulcisq; Patroni:
 Sæpè etiam secum memori dum mente reuoluit
 Iussorum SANCTI seriem & rogitantia verba,
 Promissis properat (quantum licet) addere facta:
 Declaratq; suum miseris in rebus amorem.
 Ergò agit, & totis innixus viribus vrget
 Reliquias SANCTI transferre ad littora Fuldæ.
 Pernices vt misit equos celeresq; triremes
 Traiectum diuini ad Martyris ossa petendum,
 Quæ licet immensus labor est auferrier illinc,
 Sunt tandem optatis rebus votisq; potitæ
 Veliferæ naues, sed & intra mœnia latum
 Iam neq; tu poteras retinere Moguntia SANCTI
 Corpus, vt hinc laudis maior tibi gloria surgat,
 Atq; hoc præclaro CHRISTI te Martyre iactes.
 At nil proficiunt verba exposcentia iure:
 Nunquid in externa tumuletur Episcopus vrbe?
 Nec quem viuente coluit sua terra patronum,
 Contegat, vndè olim numero sese efferat auctor?
 Hæc verò contra Lullus feruentior instat:
 Ipse suum spondens corpus post fata senile,
 Sic animo fixum statuit suprema loquendo,
 Martyris & fundatoris sua funera passi
 Cœnobio in magno Fuldensi condier ossa.
 Hinc ergò instaurat tota & mox apparat vrbe
 Funebrem pompam, cantuq; atq; ære canoro

Effertur funus, populi comitante caterua,
 Impositumq; rati, Rhenum transmittitur altum.
 Indè ad Buchoniæ sylvas Fuldæq; fluenta
 Delatum, tandem optata tellure potitur,
 Ac templi in medio cryptis supponitur imis.
 Omnè exindè locum splēdore ac numine cōplens,
 Hic nos perpetuū pia tecta fouebimus ossa,
 Gratātes CHRISTO, tumulumq; & frigida saxa
 Suauibus ista rosis, violisq; & fronde frequenti,
 Thuricremo liquidoq; simul spargemus odore.
 At tu regnantum Domine ò Rex vnice regum,
 Sublimis, præsens, miserans, diuine potensq;
 Qui regis & seruas vastis compagibus orbem,
 Cuius vel leuiter facto certissima nutu
 Est oritura salus, vel momento omnia ab imo
 Funditūs intereunt, maiestatemq; perhorrent,
 Quandoquidem est ignota dies mortalibus illa,
 Qua quemcunq; atris sua mors circundabit alis,
 Venturaq; semel nihil ista certius hora est,
 Cum iudex sumpta transcendes lance tribunal,
 Aequo vt discernas modulo quod quisq; mereat:
 Qui bona fecerunt, iustos, noxasq; pīantes,
 Promeritæ vitæ hæredes in regna vocabis:
 At molles, scelerumq; reos, cæcosq; & iniquos,
 Pœnarū capita hos mox tartara ad infima mittes,
 Dum nos saluari, cunctos culpaq; solutos,

corp^s S. Bo-
 nifacij Ful-
 dam trans-
 fertur.

martyrolo-
 gij hui⁹ per-
 oratio ad
 Deum opt.
 max.

A vitijs tibi conuersos ac pectore mundo,
 Nec luere infernas, tua stat sententia, pœnas.
 Abs te dilectus processit ab æthere Natus,
 Stipite quem duro passum sine crimine mortem
 Credat, amet, timeat, veneretur & audiat omnis
 Natus homo, nec se tantùm miretur in illo,
 Quin vitam puram, tua quin mandata capeſſat:
 Te nunc suppliciter nos quesumus ò Pater & Rex,
 Concede omnipotēs, nostrisq; hunc sensibus infer
 Per CHRISTVM IESVM, per & almi numina Flatus,
 Feruorem Fidei veræ & pietatis amorem,
 Vt, tua ccu quondam voluit diuina voluntas,
 Hos frugi seruos in fontem ducere vitam,
 Tangere & hanc metam, victrices ferre coronas
 Sanctorum in numero, cōsortesq; esse polorum:
 Nos etiam illorum vestigia sancta sequentes,
 Firmiter æternum Verbum credamus, & istam
 Ne qua Fidem nostram vitiet mala noxa potentē,
 Condignis operum meritis oleiq; lucernis
 Instructi, haud segnes cunctas vigilemus in horas,
 Impia vitantes falsi præstigia Mundi.
 (Odit enim quicquid iustum, sanctumq; bonūq;
 Iudicij extremi præbens obliuia Mundus)
 Sic te amplexantes verè, soli q; placentes,
 Dulce tuum collaudantes Altissime nomen,
 Exuti vitijs digni veniamus Olympo.

DEO LAVS & GLORIA.

Vidi sub Altari Animas interfectorum propter
VERBUM DEI, & clamabant voce magna,
dicētes: Vsq̄uequò Domine sanctus & verus, nō
iudicas & vindicas sanguinē nostrum de ijs qui
habitant in terra?

ESAIAE 46.

Viuent mortui tui, (Sancti Ecclesiæ) interfecti
mei resurgent.

PSAL. 115.

Preciosa in conspectu Domini mors Sanctōrū
cuius. et 71.

Preciosus sanguis eorum coram ipso.

SAP. X.

Iustum deduxit Dominus per vias rectas, &c.
& dedit illi scientiam Sanctōrum.

ERVVDITI AC GINEROSI ADOLESCEN
TIS EVERARDI AB HAREN, IN DE-
scriptionem S. BONIFACII
Wiceliani, CEN TO.

Χερσὶν ὑπὸ κρηταῖς βρῆνον νίκησε κάμιλλ' ὅς,
βρῆνον ἀπηνεία κελτάων ἀγρόδ' αὐχμητάων,
ἐκπέσαντ' ἠὲ κτιμένην πόλιν ἐπ' ἀκολάων,
ἐσλόμονούτ' ἀπάγ' ἢ γλυκερῆς ἀπὸ πατρὶδ' ὅς αἶνε
ῤωμάων ἀλοχέστε φίλας ἢ νήπια τέκνα,
ἀλλὰ κάμιλλ' ὅς ἀπείρα π' ἀνάλκις αὖ φύζαμ' ἐνόςσας.
Τῷ μὲν ὑπερβάνη τιμὴ καὶ κῦδος ὀπιδ' ὅς,
ἦ δ' ἔτι τεθνηκὼς θεὸς ὡς ὅγε τίετο δ' ἡμῶ.
Γερμανοὺς δ' εὐεργος ἐρύσατο καὶ ἐτάρωσε
δολωθέντας ὑπὸ ζαλόων, θεράποντας ἱεροῦ
πρὸς αὐτὸς χρεῖς μέγιστος καὶ εἰνός ἀνακτορ,
ὥς ψυχὴν παρὰ βλάδμενος καλὰ πολλὰ ἰωσγῶς
κέτθανε γυναικ' ἴσως δ' οὐκ ἔμμορε τιμῶ.
Ἀχνύμενος δ' ἔγε παρὰ δαίμονος ἀγλαῶς υἱός
Β' κελ' ὅς γινεήμτε τελευτήμτ' ἔργατε καλὰ
ὅς εὐεργος λιγυροῖς ἡμῶς μελίεσι μ.

